



Broj: 02-05-23889-1/12  
Sarajevo, 23.08.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **83.** sjednici održanoj **23.08.2012.** godine, donijela je sljedeći

## **Z A K L J U Č A K**

1. Utvrđuje se Prijedlog zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo.
2. Predlaže se Skupštini Kantona Sarajevo da pretrese i donese zakon iz tačke 1. ovog Zaključka po skraćenom postupku, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj: 25/10 - Novi prečišćeni tekst, br. 14/11, 19/11 i 7/12).

**P R E M I J E R**

**Fikret Musić**

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. A r h i v a



web: <http://vlada.ks.gov.ba>  
e-mail: [premijer@ks.gov.ba](mailto:premijer@ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Bosna i Hercegovine  
Federacija Bosne i Hercegovine  
KANTON SARAJEVO  
VLADA

**ZAKON  
O IZMJENI ZAKONA O ORGANIZACIJI I DJELOKRUGU  
ORGANA UPRAVE I UPRAVNIH ORGANIZACIJA  
KANTONA SARAJEVO  
(PRIJEDLOG)**

**Nosilac izrade:  
Ministarstvo pravde i uprave**

Sarajevo, august 2012.godine

Na osnovu člana 18.tačka b) i člana 30. stav 2. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04 ) i člana 46. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), Skupština Kantona Sarajevo na \_\_\_\_sjednici od \_\_\_\_\_2012. godine, donijela je

## **PRIJEDLOG**

# **ZAKON O IZMJENI ZAKONA O ORGANIZACIJI I DJELOKRUGU ORGANA UPRAVE I UPRAVNIH ORGANIZACIJA KANTONA SARAJEVO**

### **Član 1. (Izmjena poslova tehničke inspekcije)**

U Zakonu o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst) u članu 20. stav 2. tačka l) mijenja se i glasi:

„l) tehnička inspekcija (elektroenergetska inspekcija, termoenergetska inspekcija, rudarska inspekcija i geološka inspekcija);“.

### **Član 2. (Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj: \_\_\_\_\_  
Sarajevo, \_\_\_\_\_

**PREDSJEDAVAJUĆA  
SKUPŠTINE KANTONA SARAJEVO**

Prof.dr.Mirjana Malić

# **O B R A Z L O Ź E N J E**

## **I – PRAVNI OSNOV**

Pravni osnov za donošenje ovog zakona sadržan je u odredbama člana 18.tačka b) i člana 30. stav 2. Ustava Kantona Sarajevo, kojim je utvrđena zakonodavna nadležnost Skupštine Kantona Sarajevo, te da se zakonom Kantona, u skladu sa načelima i principima organizacije uprave, utvrđuje ukupna organizacija uprave, i članu 46. Zakona o organizaciji organa uprave u Federaciji Bosne i Hercegovine, kojim je utvrđeno da se kantonalni organi uprave i kantonalne upravne organizacije osnivaju i ukidaju i njihov djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija.

## **II – RAZLOZI DONOŠENJA**

Zakonom o rudarstvu u Kantonu Sarajevo koji je usvojen na sjednici Skupštine Kantona Sarajevo održanoj 27.06.2012. godine i Zakonom o geološkim istraživanjima u Kantonu Sarajevo koji je u završnoj fazi usvajanja, utvrđene su nadležnosti i pozicije rudarske i geološke inspekcije. Kako je Zakonom o organizaciji i djelokrugu organa uprave i upravnih organizacija Kantona Sarajevo u članu 20. utvrđena nadležnost Kantonalne uprave za inspeksijske poslove, neophodno je u navedenom članu u stavu 2. tačku l) izmijeniti i dopuniti poslovima rudarske i geološke inspekcije.

## **III – PRAVNA RJEŠENJA**

Član 1. – Član 20. mijenja se i dopunjuje uvrštavanjem u tehničku inspekciju rudarske i geološke inspekcije.

Član 2. – Utvrđuje se uobičajeni rok za stupanje na snagu zakona.

## **IV – SREDSTVA ZA PROVOĐENJE ZAKONA**

Za provođenje ovog zakona potrebno je obezbjediti sredstva u Budžetu Kantona Sarajevo za finansiranje dvije nove inspekcije.

## **V – DONOŠENJE ZAKONA PO SKRAĆENOM POSTUPKU**

Kako se ne radi o složenom i obimnom zakonu, predlažemo donošenje ovog zakona po skraćenom postupku, u skladu sa članom 152. Poslovnika Skupštine Kantona Sarajevo ("Službene novine Kantona Sarajevo", broj 25/10-Novih prečišćeni tekst i br.14/11, 19/11 i 7/12 ).



**EKONOMSKO SOCIJALNO VIJEĆE  
KANTONA SARAJEVO**

Ul. Reisa Džamaludina Čauševića br. 1, 71000 Sarajevo, BiH  
Telefon/fax: +387 33 56 22 54, 21 34 80; Mob: +387 61 13 22 89; e-mail: esv@ks.gov.ba

27-08-2012

15-

Broj:01-39-3-50/12  
Sarajevo: 22.8.2012.godine

**VLADA KANTON SARAJEVO**  
**Gosp. Fikret Musić, premijer**  
**Ministarstvo pravde i uprave**  
**G-đica. Dijana Tabori, ministrica**

**Predmet: Mišljenje o Prijedlogu zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo -dostavlja se**

U skladu sa Uredbom o postupku i načinu pripremanja, izrade i dostavljanja propisa («Službene novine Kantona Sarajevo» broj: 21/11-Novi prečišćeni tekst i 30/11-Ispravka), Ekonomsko – socijalno vijeće za područje Kantona Sarajevo, na svojoj 39. sjednici održanoj 22.8.2012.godine, razmotrilo je Prijedlog zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo i na isti daje mišljenje kako slijedi:

- Vijeće podržava donošenje zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo u predloženom tekstu.

Dostaviti:

1. naslovu
2. a/a



**PREDSJEDNIK**

**mr.sc. Safudin Čengić**



Broj: 08-03-02-21452  
Sarajevo, 17.07.2012. godine

**MINISTARSTVO PRAVDE I UPRAVE**  
**Ovdje**

**PREDMET:** Mišljenje  
Veza: Vaš broj: 03-03-20499-2/12 od 02.07.2012. godine

Zakon o izmjeni Zakona o organizaciji i djelokrugu organa uprave i upravnih organizacija Kantona Sarajevo nije u suprotnosti s propisima iz oblasti finansija.

Za primjenu ovog Zakona u 2012. godini potrebno je obezbijediti sredstva u iznosu od 2.673,00 KM (plaća i naknade za mjesec decembar), te obzirom da nisu planirana u Budžetu Kantona za 2012. godinu, ista se mogu obezbijediti jedino preraspodjelom ili uštedama na određenim namjenama unutar Uprave za inspeksijske poslove.

S poštovanjem,



**MINISTAR**  
**Mirza Sendijarević, dipl. ecc.**





Broj: 09-02-21451/12  
Sarajevo, 04.07.2012. godine

KANTON SARAJEVO  
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Ured za zakonodavstvo Vlade Kantona Sarajevo nema primjedbi na dostavljeni prijedlog Zakona o izmjeni Zakona o organizaciji i djelokrugu organa uprave i upravnih organizacija Kantona Sarajevo po pitanju njegove usklađenosti sa odredbama ustava i propisa u oblasti organizacije i djelokrugu organa uprave i upravnih organizacija koji su navedeni u obrazloženju prijedloga ovog Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), uz napomenu da se predmetni materijal dopuni sa mišljenjem Ministarstva finansija Kantona Sarajevo, s obzirom da je za primjenu ovog Zakona potrebno obezbijediti budžetska sredstva.

Dostaviti:  
1. Naslovu  
2. Evidencija  
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1



## PRILOZI

**Ustav Kantona Sarajevo**  
**(“Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01 i 28/04 )**

### **Član 18. b).**

*Skupština Kantona:*

*b). donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;*

### **Član 30. stav 2.**

*Zakonom Kantona, sukladno načelima i principima oorganizacije uprave, utvrđuje se ukupna organizacija kantonalne uprave.*

**Zakon o organizaciji organa uprave u Federaciji Bosne i Hercegovine**  
**(“Službene novine Federacije BiH”, broj 35/05)**

### **Član 46.**

*Kantonalni organi uprave i kantonalne upravne organizacije osnivaju se i ukidaju i njihovog djelokrug utvrđuje kantonalnim zakonom o organizaciji i djelokrugu kantonalnih organa uprave i upravnih organizacija, u skladu sa ovim Zakonom i kantonalnim zakonom.*

### **ODREDBE KOJE SE MIJENJAJU I DOPUNJUJU:**

**Zakon o organizaciji i djelokrugu organa uprave i upravnih organizacija Kantona Sarajevo**  
**(“Službene novine Kantona Sarajevo”, broj 2/12-Prečišćeni tekst)**

### **Član 20.**

*(Kantonalna uprava za inspeksijske poslove)*

*(1) Kantonalna uprava za inspeksijske poslove vrši inspeksijske poslove iz nadležnosti kantonalnih inspekcija koje su organizovane u njenom sastavu i druge upravne i stručne poslove, u skladu sa zakonom i drugim propisima.*

*(2) Kantonalne inspekcije u sastavu Kantonalne uprave za inspeksijske poslove su:*

*a) tržišno - turistička inspekcija (tržna inspekcija i turističko-ugostiteljska inspekcija);*

*b) zdravstvena inspekcija;*

*c) farmaceutska inspekcija;*

*d) sanitarna inspekcija;*

*e) inspekcija rada (inspekcija rada, inspekcija zaštite na radu i inspekcija socijalne zaštite);*

*f) urbanističko-ekološka inspekcija (urbanističko-građevinska inspekcija, inspekcija zaštite okoliša, inspekcija zaštite prirode i inspekcija za zaštitu dobara baštine);*

*g) saobraćajna inspekcija (inspekcija drumskog saobraćaja i inspekcija za ceste),*

*h) poljoprivredna inspekcija;*

*i) šumarsko-lovna inspekcija*

*j) vodna inspekcija;*

*k) veterinarska inspekcija;*

*l) tehnička inspekcija (elektroenergetska inspekcija i termoenergetska inspekcija);*

*m) komunalna inspekcija i*

*n) prosvjetna inspekcija.*